

երկու ամիս ի բանտի կեցեալ, ստիպեցեալ բազմիցս տաճկութիւն, և նա ամենեւին հաստատ մնացեալ ի հաւատոս. ներկայացուցեալ առաջի վէճերին, արարեալ զբազում խոստումս մեծութեան, քիւրք մեծագին, մինչև ցհինգ քսակ դրամ. և նա պատասխանեալ համարձակ դիմօք. Այս գուր է ինձ, թէ բոլոր աշխարհս տաս ոչ հաճիմ. թէ ազատելոց ես զիս ազատեմ, թէ ոչ՝ հրամայեա սպանանել զիս: Այսպէս հատեցեալ եղև վճիռ զըլխատել ի պարմախղաբուն, և անդէն ևս հասաս պաշին իջեալ ի ձիոյ փողակշական բանիւ երիցս խօսեալ, և դահիճն զսուրն ի ձեռին, յորդորեալ զնա դառնալ. և նա ամենեւին ոչ հաւանեալ բանից նոցին, ասացեալ է ի յոտին կանգուն կալով հար զիս. և ապա դահիճն միով հարմամբ հատեալ զզուլիս նորին. զի հայք ի նոյն օր ի շուկայս հաւաքեալ են զդրամս իբրու 40 բոլորի չափ և տուեալ դահճին, զի շուտով հատցէ. և նոյն դահիճն ունելով ընդ ինքեան զբամպակս, թաթաւեալ և թաթախեալ ի յարեան նոյնոյ, հայոց արանց և կանանց առնլով զդրամ, մասնիկ մասնիկ բաշխեալ է երեք օր գնացողացն և կեցողացն շուրջ զմարմնով նորին, և ասեն թէ զզուլին հայոց պատրիարքն առեալ է, և զմի մատն դաղմատացիք, և ի հանդերձէ արեւնաթաթախ սակաւ ինչ թերևս առ մեզ ևս հասանի, զի ումեմն յանձնեալ եմ. և զլիակատար պատմութիւն սորին ի յառաւել տեղեակ եղողաց զրել տալոց եմ: Հմանապէս երկու ամ յառաջ մի պատանի ևս իբրև զայս ի սեբաստիա եղեալ է. և զայսմանէ ևս ջանամ զրել տալ:...

Յամի տեառն 1743ին հոկտեմբերի 17ին
գիր երրորդ ի Կոստանդնուպօլսոյ

Գերյարգութեան քում
Պատրաստական ամենայնի
Հայր Միքայէլ Վ. Սեբաստացի

ԺԻԶ.

Մանր ու զանազան լուրերու ժողովածոյ մըն է հետեւեալը:

Գերյարգեցեալ Աբրայ Հօրդ մերոյ, տեառն տեառն Մխիթարայ
Աստուածաբանութեան վարդապետի

... Բազումք կարգաւորք գոն, թէ ի լիբանանու, թէ հալէպու, թէ յէրզրումու, թէ ելանօքք քահանայք աստ ի յեկեղեցեաց հայոց, թէ դպրատնցիք և թէ այլք բազումք բաց ի մէնջ աւելի քան զքսան են: Հաւե ժողովուրդն յամենայնում աւուր յեկեղեցիս լաթինի լիք են. և ստէպ քաւարան առնել տան մեռանողաց վասն, և երգիչք և սպասաւորքն՝ հայոց կտրիճներն և տղայքն են, ուսեալ զլաթինական եղանակ և լեզու... : ի յոմանս եկեղեցիս յամենայնում աւուր չորս և հինգ կարգաւոր պատարագեն. երբեմն և ես երթամ պատարագել և խոստովանութիւն լսել: Գաղատացի տէր եղիա Վ. ի մեծի համարի է. ունի զաշակերտ կարգաւորս և զերիտասարդ աշխարհականս, դաս տայ, աշակերտս հանել ջանայ. ի կիրակէի և ի տօնս յեկեղեցիին սուրբ անդօնի քարոզ տայ: ի սուրբ պետրոս երբեմն հայոց կարգաւորք, այսինքն պուռսացին, դպրոցին տաճկերէն, և ըստ մեծի մասին պատրի տօմէնիկոսն ջահկեցի հայկաբանօրէն, լաւ քարոզիչ է և ընդունելի յոյժ: ի ճէզուիթաց եկեղեցին, ինքեանք ճէզուիթք քարոզ տան տաճկերէն, մինն յառաւօտեան, մինն յերեկոյին. և սոքա ի դուռն եկեղեցւոյն եասախճի ևս կանգնեցուցանեն յաւուրս կիրակէից: Եւ բնաւ եկեղեցիքն թէ ի վերնատունն, թէ ի հրապարակ եկեղեցւոյն լիք հայք, և ֆուա[ն]կք ոչ երևին: ... Միւլայլմ օղլին այժմ ի դրունս մեծամեծ տաճկաց չըջի ընդ աստղագիտաց նոցին վիճի և յաղթօղ գտանի, և ինքն ի համարի ի նոցանէ ունեցեալ լինի, այժմ զմանէ այսպէս հռչակեցեալ լսի:...

... ի կողմանէ պատերազմի ոչ ինչ երևելի գործ և զրոյց գոյ. բայց քանի մի հազար պարսիկք խաղաղութեամբ նստեալ են ի սեբաստիա և ոչ ումեք փնասեն, այլ եկեալ են զչահի որդին իւրեանց թագաւոր տանիլ զոր սոքա զօրօք ուղարկեն. և լսեմք